

**UGOVOR**  
o nabavci roba – nabavka polica za arhivu  
u Općinskom sudu u Tuzli

OPĆINSKI SUD U TUZLI, sa sjedištem u Tuzli, ulica ZAVNOBIH-a bb, zastupan po predsjedniku suda dr. sci. Muhamedu Tulumoviću, ID broj: 4209391920002 (u daljem tekstu: Ugovorni organ)

i

INTER-COM d.o.o. Zenica, ulica Vrandučka 71 b, zastupan po direktoru Safet Škaljić dipl.ecc., ID broj: 4218087760006, dana 04.10.2024. godine, (u daljem tekstu Dobavljač), u Tuzli zaključuju sljedeći ugovor o nabavci roba – nabavka polica za arhivu.

Član 1.

Predmet ugovora je nabavka i isporuka roba – nabavka polica za arhivu, sa sledećim karakteristikama:

Boja: siva

police dimenzija ŠxVxD = 80x230x37,5 cm sa 6 (šest) polica. Materijal bočnih stranica pokrovne ploče i podnice izrađeni su od iverala debljine 18 mm i učvršćene kombinacijom lijepljenja i drvenih tiplova. Ploče su sa niskom emisijom formaldehida, sa melaminskom zaštitom, koja omogućava postojanost boje, otpornost na površinska oštećenja, hemijske utjecaje, tehnička i mehanička oštećenja, te jednostavno održavanje. Šest polica su od istog materijala kao korpus police debljine 25 mm, pri čemu su tri učvršćene za bočne stranice kombinacijom lijepljenja i drvenih tiplova, a ostale 3 police imobilizirane sigurnosnim graničnikom koji fiksira policu na zadanoj poziciji. Leđa su od lesomala 3-4 mm debljine prikovana i zalijepljena za korpus police. Rubovi su zaštićeni ABS trakom 2mm upotrebom PUR ljepljiva. Stranice police su od poda oslonjene na plastične noge sa melaminskom zaštitom ukupne debljine 18 mm. Svi vidljivi rubovi su zaštićeni ABS rubnom trakom debljine 2mm uz primjenu PUR ljepljiva. Spajanje elemenata police se vrši kombinacijom lijepljenja i drvenih tiplova. Polica je sa zatvorenim parapetom upotrebom iverala debljine 18 mm u sivoj boji i kvalitetu.

količina: 41 (četrdesetjedan) komad.

Sastavni dio ovog Ugovora je prihvaćena Ponuda Dobavljača broj: 0056-09/24 od 10.09.2024. godine, čije cijene su nakon provedene e-aukcije umanjene za 19,91 %, Obrazac za cijenu ponude koju je Dobavljač prilagodio postignutim cijenama na e-aukciji dana 18.09.2024. godine i dostavio ovom sudu. Ukupna cijena za nabavku – nabavka polica za arhivu, bez uračunatog PDV-a iznosi 10.245,00 (desethiljadadvjestočetrdesetpet konvertibilnih maraka), a sa uračunatim PDV-om iznosi 11.986,65 KM (jedanaesthiljadaodevetstotinaosamdesetšest konvertibilnih maraka i 0,65 pfeninga).

#### Član 2.

Dobavljač se obavezuje da će na isporučenu robu iz člana 1. ugovora u pogledu nedostataka na ime kvaliteta izvršene nabavke i dostavljene robe po eventualnim primjedbama Kupca, postupiti u roku od 7 dana od dana isporuke iste.

Kupac će utvrditi razuman rok za ispravku propusta Dobavljača u smislu izvršene nabavke.

#### Član 3.

Plaćanje će se izvršiti najkasnije u roku od 30 dana od datuma ispostave fakture za uredno isporučenu robu.

Plaćanje će se vršiti putem JRT Trezor Tuzlanskog kantona na žiro račun Dobavljača broj: 1610550001530013 kod Raiffeisen banke.

Dobavljač se obavezuje da će u skladu sa članom 1. ovog Ugovora dostaviti robu, po zahtjevu Kupca.

#### Član 4.

Rok isporuke ugovorenog predmeta nabavke iz člana 1 ugovora je 30 dana računajući od dana prijema narudžbe. Pod isporukom se podrazumijevaju sve potrebne radnje koje je dobavljač dužan obaviti, prema ugovoru i prirodi posla, da bi ugovorni organ mogao primiti isporuku u skladu sa uslovima iz ponude. Mjesto izvršenja obaveze dobavljača iz člana 1. ovog ugovora je Općinski sud u Tuzli. Do isporuke predmeta nabavke dobavljača rizik slučajne propasti ili oštećenja predmetne nabavke snosi dobavljač, a s isporukom/predajom predmeta nabavke rizik prelazi na ugovorni organ. Rizik ne prelazi na ugovorni organ ako je isti zbog nekog nedostatka isporučeno/predanog predmeta nabavke raskinuo ugovor ili tražio zamjenu predmeta

#### Član 5.

Dobavljač odgovara za materijalne nedostatke stvari koje je ona imala u času prelaska rizika na ugovorni organ bez obzira na to da li mu je to bilo poznato. Dobavljač odgovara i za one materijalne nedostatke koji se pojave nakon prelaza rizika na ugovorni organ ako su posljedica uzroka koji je postojao prije toga. Neznatan materijalni nedostatak ne uzima se u obzir. Šta se podrazumijeva pod neznatnim materijalnim nedostatkom zajednički/komisijiski utvrđuju ugovorni organ i dobavljač. U obavijesti o nedostatku stvari Ugovorni organ je dužan potanje opisati nedostatak i pozvati dobavljača da pregleda stvar. Ako obavijest o nedostatku koju je Ugovorni organ blagovremeno poslao dobavljaču preporučenim pismom, telefaksom ili na neki drugi pouzdan način, zakasni ili uopšte ne stigne dobavljaču smatra se da je ugovorni organ izvršio svoju obavezu da obavijesti dobavljača. Nedostatak postoji ako ugovoreni /isporučeni/ predmet nabavke nema svojstva i odlike koje su izričito određene ovim ugovorom. Dobavljač odgovara i za nedostatke koje je ugovorni organ mogao lako opaziti ako je izjavio da stvar nema nikakve nedostatke ili da stvar ima određena svojstva ili odlike. Dobavljač odgovara ako na isporučenom predmetu nabavke postoji neko pravo trećeg koje isključuje, umanjuje ili ograničava pravo ugovornog organa o čijem postojanju ugovorni organ nije bio obaviješten, niti je pristao da primi stvar opterećenu tim pravom. Ukoliko se pokaže da treća osoba polaže neko pravo na ugovorenu opremu /robu, ugovorni organ je dužan obavijestiti dobavljača o tome (obavještenje se vrši na način iz prethodnog stava ovog člana - preporučeno pismo ili telefaks ili neki drugi pouzdan način), izuzev kad je to dobavljaču već poznato, i pozvati ga da u razumnom roku oslobodi stvar od prava ili pretenzije trećeg ili da mu isporuči drugu stvar bez pravnog nedostatka. Ako dobavljač ne postupi po zahtjevu ugovornog organa, ugovor se raskida.

#### Član 6.

Ugovorne strane su saglasne da će eventualne sporove pri realizaciji ovog ugovora rješavati mirnim putem, a u suprotnom iste su saglasne da eventualne sporove rješava sud u Tuzli.

Član 7.

Sva prava i obaveze koji nisu regulisani ovim ugovorom rješavat će se u skladu sa Zakonom o obligacionim odnosima.

Član 8.

Ovaj ugovor stupa na snagu danom potpisivanja obje ugovorne strane.


Član 9.

Ugovor je sačinjen u četiri (4) istovjetna primjerka, od kojih svaka ugovorna strana zadržava po 2 (dva) primjerka, za svoje potrebe.

**UGOVORNI ORGAN**

Predsjednik suda  
Dr.sci.Muhamed Tulumović


Broj: 032-0-Su-24-000 785/9  
Mjesto i datum: Tuzla, 09.10.2024.g.



**DOBAVLJAČ**

Direktor  
Safet Škaljić dipl.ecc.

Broj: 483-10/24  
Mjesto i datum: 10.10.2024.g.



*Suf.*

